

VI CONCURSO “GALICIA, AUGA, LITERATURA E RAP”

PROGRAMA PRENSA-ESCUELA – VIAQUA 2019/2020

La Voz de Galicia, S.A., a través do seu suplemento La Voz de la Escuela, e VIAQUA convocan unha nova edición do concurso enmarcado no Programa Prensa-Escuela co que, desde o curso 2014/2015, vén a destacar presenza da auga nas grandes obras da literatura galega. Nesta VI edición, correspondente ao curso 2019/2020, o concurso formúlase baixo o título “Galicia, Auga, Literatura e Rap”.

Obxectivo.- Preténdese concienciar ao alumnado da importancia da coidado da auga a través da literatura galega.

Mecánica- Trátase de convocar un concurso no que o alumnado de Galicia (de Educación Primaria e Secundaria, Educación Especial ou Escolas de Música) nos de a súa visión "a modo de rap" sobre pasaxes estelares ou momentos cume das grandes obras da literatura galega nas que estea presente a auga. Con iso, preténdese contribuír a concienciar sobre o coidado do medio ambiente e da auga como recurso natural escaso.

Os alumnos que participen, de maneira individual ou en grupos dun máximo de 4 alumnos, deberán elixir un poema ou relato de entre os grandes clásicos da literatura galega que se atopen no dominio público, e gravarán un vídeo, desde calquera dispositivo, no que versionen a modo de rap o poema ou relato que elixisen. Para participar os vídeos, que terán unha duración máxima de 1 minuto, deberán enviarse por correo electrónico á dirección prensa-escuela@lavo.es, indicando no asunto “Concurso: Galicia, auga, literatura e rap”, ou ben entregarse en persoa en calquera das delegacións do xornal La Voz de Galicia, xunto coa documentación que se sinalará na apartado “Presentación” seguinte.

Un profesor dos alumnos participantes deberá coordinar e revisar os traballos dos alumnos, ademais de orientalos na súa elaboración. Os docentes responsabilizaranse da autoría real dos traballos que se presenten a concurso e, así mesmo, de que os alumnos seleccionen para a realización dos traballos obras que se atopen no dominio público, e velarán por que o contido dos traballos non sexa ilícito, ofensivo ou discriminatorio, nin lesione bens ou dereitos, incluídos dereitos de imaxe, de terceiros.

Sen prexuízo do anterior, La Voz de Galicia, S.A. se reserva a facultade de deixar fóra de concurso aqueles vídeos cuxo contido considere contrario á normativa vixente, moral, boa fe ou orde pública.

A maiores do anterior, a organización habilitou a páxina de Facebook de Prensa-Escuela, que dispoñerá dunha pestana para a participación no concurso relacionada con esta acción. Aqueles centros que, de forma voluntaria, desexen difundir os traballos a través de Facebook (a cuxos efectos deberán dispoñer de conta, así como da autorización correspondente por parte dos alumnos ou os seus representantes legais, segundo sexa o caso) poderán subir os vídeos a Facebook, a través da plataforma do concurso habilitada para a participación, completando o formulario correspondente. Neste caso, entrarán a participar na modalidade descrita no apartado e) das apartado “Modalidades” seguinte.

Participantes.- Convocatoria aberta a todos os nenos e novos, de entre 6 e 16 anos, residentes en Galicia (participen ou non no Programa Prensa-Escuela), a través de centros escolares de Educación Primaria, Secundaria ou Educación Especial, ou Escolas de Música.

Fases.- O concurso consta de dúas fases: Fase 1 (fase provincial) e Fase 2 (fase final):

- 1) Fase provincial. O alumnado terá de prazo ata o 8 de febreiro do 2020 para presentar os seus traballos (vídeos de duración máxima 1 minuto). De entre todos os recibidos, o xurado elixirá 5 de cada provincia (A Coruña, Lugo, Ourense e Pontevedra) que pasarán á fase

final. Doutra banda, na categoría de Redes Sociais os dous vídeos máis votados pasarán directamente á fase final. **Nota.** Ante as dúbidas xurdidas na interpretación das bases en canto ao cómputo da duración dos vídeos, a organización do concurso optou por facilitar a concorrencia e admitir a participación de tres participantes como finalistas na segunda fase.

- 2) Fase final. Para continuar participando no concurso, cada un dos alumnos (ou grupos) finalistas deberá presentar un novo vídeo, de máximo 1 minuto de duración, entre o 20 de febreiro e o 30 de abril do 2020. Entre todas as obras recibidas, o xurado elixirá os gañadores (1º e 2º) de cada categoría. Na categoría de Redes Sociais, o vídeo finalista que máis votos obteña será o gañador. **Nota.** A fin de non xerar malas interpretacións nesta segunda fase, a duración dun minuto dos vídeos non terá en conta a cabeceira do título e os créditos. A xustificación da elección tamén quedará excluída, pois deberá entregarse nun documento a parte.

Modalidades:

- a) Infantil.- (de 6 a 12 anos). Outorgaranse 3 premios: 1º premio para a aula e 1º e 2º premio para o alumno (ou grupo).
- b) Xuvenil.- (de 13 a 16 anos). Outorgaranse 3 premios: 1º premio para a aula e 1º e 2º premio para o alumno (ou grupo).
- c) Educación Especial. Outorgaranse 3 premios: 1º premio para a aula e 1º e 2º premio para o alumno (ou grupo).
- d) Profesor.- Outorgaranse 3 premios (1º, 1º e 1º), aos profesores responsables de supervisar o traballo dos nenos gañadores do primeiro premio en cada unha das modalidades anteriores.
- e) Premio en redes para o vídeo subido á páxina de Facebook de Prensa Escola do que se realicen máis “likes” ou “me gusta”, de entre os vídeos finalistas que se subiron á plataforma do concurso.

Idioma.- Os traballos poderán presentarse en castelán ou galego.

Presentación.- O concurso consta de dúas fases. Unha primeira fase (fase provincial) e unha segunda fase (fase final). O prazo de presentación dos traballos para a primeira fase finalizará o 8 de febreiro do 2020. O prazo de presentación dos traballos para a fase final será entre o 20 de febreiro e o 30 de abril do 2020. Os traballos poderán ser entregados por unha das seguintes vías:

- Poderán remitirse mediante correo electrónico dirixido a prensa-escuela@lavo.es, indicando no asunto “Concurso: Galicia, auga, literatura e rap”.
- Poderán entregarse en persoa en calquera das delegacións do xornal La Voz de Galicia, nun lapis de memoria.

O vídeo irá acompañado dunha breve explicación do porqué do autor ou obra escollida, así como referencia ao centro, curso e aula do alumno -ou alumnos- que participa. Tamén deberán enviar por correo electrónico xunto co traballo á dirección prensa-escuela@lavo.es (ou ben, en caso de entrega en persoa, nun documento xunto co vídeo), un documento no que se indiquen os datos do/dos autor/es do vídeo (nome, apelidos, data de nacemento, centro, email e teléfono) e o nome e apelidos do profesor responsable da supervisión do traballo. Así mesmo, os participantes menores de 14 anos deberán cumprimentar a autorización que se incorpora ás presentes bases e remítela, debidamente asinada polos seus pais ou titores legais, á dirección de correo electrónico antes citada (prensa-escuela@lavo.es), xunto co traballo (ou ben, no seu caso, entrega en persoa). Adicionalmente, e de forma opcional, os centros que dispoñan de conta de Facebook e da autorización correspondente por parte dos alumnos ou os seus representantes legais, segundo sexa o caso, poderán subir o vídeo á páxina de Facebook de Prensa-Escuela a través da Plataforma de participación.

Criterio de valoración.- Constituirase un xurado que se reunirá ao obxecto de emitir o seu fallo. O xurado valorará a creatividade e a orixinalidade dos traballos, destacando a importancia do coidado do medio ambiente e a auga como recurso escaso; así como o interese do traballo.

O fallo do xurado será inapelable e poderá publicarse na páxina web do Programa Prensa-Escuela (www.prensaescuela.es) e no xornal La Voz de Galicia (edición impresa e dixital), así como noutros medios ou soportes que a organización estime oportunos.

O xurado resérvase o dereito de facer unha mención especial no caso que o considere conveniente.

O xurado estará composto por un equipo de pedagogos e científicos do Programa Prensa-Escuela, por representantes do Departamento de Márketing de La Voz de Galicia e por representantes de VIAQUA.

A data de publicación do fallo será o día 17 de maio do 2020.

Tal e como se indicou no apartado e) das apartado “Modalidades” anterior, designarase así mesmo un gañador de entre os vídeos que se subiron á páxina de Facebook de Prensa-Escuela. Nesta modalidade, serán designados finalistas (primeira fase) e gañador (fase final) os vídeos dos que se realicen máis “likes” ou “me gusta” durante o período de duración de cada fase desta acción. No caso da primeira fase, elixiranse como finalistas os dous vídeos máis votados desde a publicación das presentes bases ata o 8 de febreiro de 2020 ás 23:59 horas; e no da segunda fase elixirase como gañador, dos dous vídeos presentados polos finalistas, o que obtivese máis votos desde o 20 de febreiro ás 00:00 horas ata o 30 de abril de 2020 ás 23:59 horas. Poderán realizar os “likes” ou “me gusta” todas as persoas que o desexen que sexan usuarios de Facebook. Cada persoa poderá utilizar unha única conta de Facebook e poderá facer un único “like” ou “me gusta” de cada vídeo. O vídeo do que realicen máis “likes” ou “me gusta” os usuarios de Facebook será o gañador. La Voz de Galicia, S.A. poderá publicar o gañador na páxina web do Programa Prensa-Escuela (www.prensaescuela.es) e no xornal La Voz de Galicia (edición impresa e dixital), así como noutros medios ou soportes que estime oportunos.

Premios para cada modalidade (infantil/xuvenil/educación especial/profesor/redes sociais) na Fase Final:

Modalidades Infantil, Xuvenil e Educación Especial.–

Premios para a aula e os alumnos gañadores da Fase Final:

1º premio aula: Lousa electrónica ó Portátil (a elixir).

1º premio para alumno/ s: iPad Mini.

2º premio para alumno/ s: Altofalante.

Premio para o profesor supervisor dos vídeos gañadores do primeiro premio: Invitación a un espectáculo cultural dos celebrados na Coruña, Ferrol, Santiago, Lugo, Ourense, Pontevedra ou Vigo ao longo do ano 2020.

Premio en redes (Facebook).- O vídeo con máis “likes” ou “me gusta” será publicado en www.lavozdeg Galicia.es e será obxecto dunha noticia en prensa. O alumnado da clase gañadora poderá gozar dunha invitación a un espectáculo cultural dos celebrados na Coruña, Ferrol, Santiago, Lugo, Ourense, Pontevedra ou Vigo ao longo do ano 2020.

Os premios entregaranse nun acto no lugar e data que se comunicarán tras a emisión do fallo do xurado.

Os premios están suxeitos á lexislación fiscal vixente e, en particular, á normativa vixente en materia de retencións e pagos a conta.

Cesión de dereitos.- En virtude das presentes Bases, todos os participantes no concurso ceden tanto a La Voz de Galicia, S.A. como a Viaqua Xestión Integral de Augas de Galicia, S.A.U., de forma non exclusiva, os dereitos de explotación sobre os vídeos, incluíndo os

dereitos de reprodución, recompilación, transformación, distribución e comunicación pública, con facultade de cesión a terceiros, para todo o mundo, polo máximo prazo de tempo que recoñece a lei aos titulares dos dereitos e por calquera medio ou soporte, incluído Internet e redes sociais.

No caso de que os vídeos inclúan imaxes dos autores e/ou de terceiros, as cesións anteriores incluírán a dos dereitos de imaxe correspondentes, a cuxos efectos os autores e os seus profesores obríganse a solicitar as autorizacións necesarias.

Aceptación.- Así mesmo, a participación no concurso supón o coñecemento e aceptación por todos os concursantes das presentes bases, motivo polo cal, non poderán impugnalas unha vez formalizada a presentación, así como a aceptación das decisións que puidese adoptar a organización do concurso a efectos da interpretación ou resolución de cuestións non recollidas nas bases.

A organización do concurso non devolverá os traballos orixinais e resérvase o dereito de declarar deserto o premio se, a xuízo do xurado, os traballos presentados non se atañen ás normas establecidas ou non alcanzan a calidade necesaria.

Protección de datos.- Infórmase de que o responsable do tratamento dos datos dos participantes no VI concurso de vídeos “Galicia, Auga, Literatura e Rap”, os dos seus profesores e os dos pais ou titores legais que autorizan a súa participación é La Voz de Galicia, S.A., con dirección postal en Avda. da Prensa 84-85, Polígono Industrial de Sabón, 15143 Arteixo (A Coruña), teléfono: 981180180* e correo electrónico: lopd@lavo.es. La Voz de Galicia, S.A. ten designado un Delegado de Protección de datos, con correo electrónico: dpo@lavo.es.

Para a participación no concurso os participantes, os seus profesores e, no seu caso, os seus representantes deberán achegar os seus datos nos documentos que se indican na apartado “Presentación” destas bases. Os datos requiridos son necesarios para a súa inclusión no concurso, en caso contrario non poderemos atender a solicitude.

La Voz de Galicia, S.A. tratará os datos dos participantes, dos seus profesores e, no seu caso, dos seus representantes, para a xestión e organización do concurso, sendo a base legal para o tratamento destes datos a execución da relación contractual cos participantes. O nome e a imaxe dos concursantes e dos seus profesores, así como o nome dos centros aos que pertencen, poderán ser obxecto de comunicación pública nas actuacións presentes ou futuras que poida levar a cabo La Voz de Galicia, S.A., sempre que dita comunicación pública estea relacionada coa súa participación no concurso ou coa publicación dos seus traballos -salvo que o autor solicite calquera modificación conforme a normativa vixente-. Así mesmo, no seu caso, La Voz de Galicia, S.A. poderá comunicar os datos dos concursantes e dos seus profesores a Viaqua Xestión Integral de Augas de Galicia, S.A.U. para a publicación dos seus traballos por esta entidade.

Salvando o anterior, non se realizarán cesións de datos persoais a terceiros, excepto no caso de que exista unha obriga legal. Así mesmo poderán ter acceso a datos persoais os provedores (encargados do tratamento) de La Voz de Galicia, S.A. que necesiten acceder a datos para a prestación de servizos contratada que, a título enunciativo e non limitativo, prestan servizos nos sectores de servizos administrativos, xestión de sitios web; os provedores utilizarán os datos unicamente para a prestación do servizo e conforme ás instrucións de La Voz de Galicia, S.A.. Pode pedir máis información a través de lopd@lavo.es.

Os datos conservaranse mentres sexan necesarios para os fins para os que se solicitaron, e durante os prazos de prescrición previstos.

Os interesados poderán exercer os seus dereitos de acceso, rectificación, supresión e, no seu caso, portabilidade dos seus datos persoais, así como de oposición e limitación ao tratamento dos seus datos, dirixíndose a La Voz de Galicia, S.A. a través da dirección de correo electrónico lopd@lavo.es, ou na seguinte dirección: La Voz de Galicia, S.A. – Protección de datos, Avda. da Prensa 84-85, Polígono Industrial de Sabón, 15143 Arteixo (A Coruña), indicando os detalles correspondentes á súa solicitude e acreditando debidamente a súa identidade (e, no seu caso, representación).

Infórmase así mesmo ao participante de que ten dereito a obter información sobre o exercicio dos seus dereitos e/ou presentar unha reclamación ante a Axencia Española de Protección de Datos (www.aepd.es).

Outros.- La Voz de Galicia, S.A. fai constar que para a xestión da presente acción utiliza medios cuxa titularidade e control corresponden a terceiros. La Voz de Galicia, S.A. non se responsabiliza das incidencias que puidesen producirse no desenvolvemento da acción polo uso dos medios e aplicacións a través das cales se xestiona a mesma, ou con carácter xeral por situacións que escapen ao seu control. Con todo, La Voz de Galicia, S.A. comprométese a comunicar aos usuarios e participantes na acción calquera posible incidencia da que teña coñecemento o máis axiña posible a través dos medios que considere oportunos en cada caso. Así mesmo, La Voz de Galicia, S.A. manifesta que adoptou todas as medidas necesarias dentro das súas posibilidades para asegurar o adecuado desenvolvemento da acción. Os participantes recoñecen e aceptan que esta acción non está patrocinada, apoiada, administrada nin asociada de ningún xeito a Facebook, polo que exoneran a Facebook de toda responsabilidade polos eventuais danos ou prexuízos que puidesen derivarse da mesma. A responsable da súa organización é La Voz de Galicia, S.A..

Sen prexuízo do anterior, os usuarios que suban os vídeos á plataforma de participación na páxina de Facebook de Prensa Escola, deberán aceptar e cumprir, ademais das presentes bases, os termos e condicións da citada rede social, e contar coas autorizacións que sexan necesarias para estes efectos.

AUTORIZACIÓN

D. e
Dña.,
maiores de idade, con N.I. F. números e,
respectivamente, e con teléfono de contacto....., na súa
calidade de representantes legais do
menor

AUTORIZA

a participación do menor arriba citado no VI Concurso de Vídeos “Galicia, Auga, Literatura e Rap” do Programa Prensa-Escuela – VIAQUA 2019/2020, de acordo ás bases do devandito Concurso e, en particular, consente a incorporación tanto dos datos propios como dos datos do menor (nome, apelidos, data de nacemento, centro, email e teléfono) a un ficheiro propiedade de La Voz de Galicia, S.A., que tratará devanditos datos coa finalidade de organizar e xestionar o Concurso, e cuxa dirección, a efectos do exercicio dos dereitos de acceso, rectificación, supresión, portabilidade, oposición e limitación é a seguinte: La Voz de Galicia, Departamento de Márketing, Avenida da prensa 84-85, Polígono industrial de Sabón, 15143 de Arteixo (A Coruña).

Así mesmo, autoriza a comunicación pública do nome e a imaxe do menor, así como o nome do centro ao que pertence, nas actuacións presentes ou futuras que poida levar a cabo La Voz de Galicia, S.A., sempre que dita comunicación pública estea relacionada coa súa participación no concurso ou coa publicación do seu traballo -salvo que solicite calquera modificación conforme a normativa vixente-. La Voz de Galicia, S.A. tamén poderá comunicar os datos do menor a Viaqua Xestión Integral de Augas de Galicia, S.A.U. para a publicación dos seus traballos por esta entidade.

As referidas bases, incluíndo a política de protección de datos de La Voz de Galicia, S.A., figuran en www.prensaescuela.es.

E para que conste para todos os efectos, asino a presente autorización.

En, a de de 20....

Asdo./ Asdo./.....